



Ideas per luvrar cun las cartinas

cartinas en general

- metter in pèr cartinas sin meisa ni giun plaun, ils affons siaran ils egl, prender naven ina cartina ed ils affons ston anflar ora tgeinina che maunca (entscheiver cun paucas e metter vitier adina pli biaras, cura ch'ils affons san bein ils plaid)
- far il giug: jeu mettel en mia valischa (miu sacados, mia tastgetta, eav.) e prendel cun mei in meil, in pér, ina balla, eav., metter las cartinas cun objects/fretgs avon ils affons, entscheiver adina danovamein naven dall'entschatta ed adina metter vitier aunc ina cartina

nivel pli pretensius: volver las cartinas e saver ordadora tgei ch'ei suten – igl emprem cun paucas e lu adina puspei metter vitier ina volver ellas successivamein per controllar

- duvrar las cartinas per il liug da mintga singul affon (gardaroba, sutga, eav.)
- far in memori (dus maletgs, nivel pli pretensius: in maletg ed in plaid) dar a casa cartinas adattadas ensemen cun las canzuns resp. ils versets (per geniturs, tats e tattas)

cartinas en alv e ner

- copiar ellas pli grond per dar en color, copiar pli grond las personas e dictar da dar en color: dar en color ils mauns, dar en color ils cavels, eav.

nivel pli pretensius: dir tgei color ch'igl ei da duvrar per tgei part

cartinas cun parts che mauncan

- tagliar ora adina las duas cartinas che s'audan ensemen e schar ensemen ellas enamiez, aschia ch'ins vesa ina cartina cun il maletg cumplet e quella dasperas cun enzatgei che maunca
ils affons ston anflar ora tgei che maunca

nivel pli pretensius: faldar enamiez las duas cartinas ch'ins ha schau ensemen, aschia ch'in maletg ei dad ina vart e tschel da tschella vart

mussar als affons la vart dalla cartina cun il maletg cumplet, volver ella e mussar il maletg cun la part che maunca: tgei ei auter resp. tgei maunca?

Ideas per differents temas

miu dacasa

- raquintar cuortas historias cun agid dallas cartinas
- duvrar las cartinas per mussar versets resp. canzuns

miu tgierp

- mussar ina cartina cun ina part dil tgierp, dir il plaid ed ils affons ston tucclar il pli spert pusseivel vi da sesez (ni vi dad in auter affon) quella part dil tgierp
- duvrar las cartinas per mussar ils versets resp. las canzuns

la marenda

- jeu mettel en mia valischa (miu sacados, mia tastgetta, eav.) e prendel cun mei ...

- jeu hai bugen ... / jeu hai buca bugen ...
mia mumma / miu bab ha bugen ...
mia tatta / miu tat ha bugen ...
miu tgaun / miu gat ha bugen ...
tscharner las cartinas corrispundentas ed adina dir il plaid

- jeu hai priu oz marenda ..., tscharner la cartina e dir il plaid
- duvrar las cartinas per mussar ils versets resp. las canzuns

